

DIAGNOSES PRÆCURSORIÆ  
SPECIERUM ALIQUOT NOVARUM E FAMILIA  
BRANCHIPODIDÆ

(CUM FIGURIS 8 IN TEXTU)

a Prof. Eugenio DADAY de Deés

Species infra breviter descriptæ sunt omnes specimina Musœi Historiæ Naturalis Parisiensis ab Illustr. D. Professore E. L. BOUVIER, studiendi causa ad me missa.

1. **Branchinecta salina** n. sp.

MAS. Corpus gracile, trunco longitudine abdominis parum breviore, segmentis thoracicis politis, levibus. Abdomen gracile, segmentis 5-to, 6-to, 7-mo 8-voque posticis in latere ventrali utrinque denticulis diversis, aggregatim positis, numerosis vel paucis armatis. Cercopodes breves, digitiformes, parum clavati, saepissime deorsum curvati, setis in margine exteriore nonnumerosis vestiti. Antennæ inferiores biarticulatae interse disjunctæ. Articulus basalis antennarum inferiorum crassior, fere cylindricus, apophysi nullo, in angulo superiore apicali exteriore dentibus minutis, aggregatim dispositis armatus (fig. 1). Articulus apicalis angustior, apicem versus sensim valdeque attenuatus, fere falciformis, politus. Antennæ superiores filiformes, fere longitudine articuli basalis antennarum inferiorum. Pedes omnes fere similes, praeter sacculum branchiale laminis duobus




Fig. 1. — Caput maris supra visum magnitudine circ. 1 : 7.

branchialibus in marginibus crenulatis. Penis articulo apicali pluries contorto, lobos numerosos formante.

Longitudo totalis a fronte usque ad apicem cercopodum 8-10 mm.

FEMINA. Corpus gracile, trunco fere longitudine abdominis. Segmenta thoracica 7, 8, 9, 10 et 11 in margine posteriore utrinque denticulis lateralibus, non numerosis, minutis, aggregatim dispositis. Abdomen gracile, segmentis longitudine plus minusve diversis. Segmenta abdominalia excepto ultimo omnia in latere ventrali utrinque denticulis diversis, aggregatim dispositis, numerosis vel paucis armata. Cercopodes forma magnitudineque iisdem maris similes, sed laeves aut solum setis paucis vestiti. Antennae inferiores complanatae, uniarticulatae, apicem versus attenuatae, lobo triangulari similes, margine exteriore bituberculato, tuberculo proximali majore, setoso. Pedes omnes iisdem maris similes. Sacculus oviger ovoidalis, apice postiore acutius rotundato, longitudine fere segmentorum 3 abdominalium anteriorum.

Longitudo totalis a fronte usque ad apicem cercopodum 8-10 mm.

Patria : ALGERIA, Sebkha d'Oran, Lacus de la Senia. Specimina numerosa collegit ex aquis salinis Illustr. D. Prof. R. Blanchard, anno 1888, 31 martii et aprilis.

Species haec nova differt a speciebus ceteris generis structura segmentorum abdominalium, penis cercopodumque.

## 2. **Branchipus Blanchardi** n. sp.

MAS. Corpus validiusculum trunco longitudinem abdominis sine cercopodibus attingente. Caput cum articulo basali antennarum inferiorum connatum appendicibus frontalibus, rectius e vertice excurrentibus flagelliformibus, in parte distali articulatis, apicem articuli apicalis antennarum inferiorum parum superantibus (fig. 2). Segmenta thoracica polita, laetitia. Segmenta abdominalia 2, 3, 4, 5, 6 et 7 in margine posteriori utrinque latere appendicibus duabus membranaceis, digitiformibus, brevibus armata. Cercopodes latiusculi, longitudine segmentorum 5 posteriorum abdominis, apicem versus sensim

attenuati, lateribus crenulatis, æqualiter denseque setosis. Antennæ inferiores distincte biarticulatæ, articulis basalibus basi interse et cum capite in medio connatis. Angulus interno-distalis articuli basalis processu in apice bifido, ad medium frontis approximato armatus. Articulus apicalis antennarum inferiorum fere falciiformis in parte tertia distali valde angustatus, in medio marginis exterioris appendice laminiformi, parum elongata, in parte tertia marginis interioris tuberculo parvo, supine vero carina prominente armatus (fig. 2). Pedes omnes lamina branchiali unica in marginibus serrulato-crenata. Penis digitiformis, in margine interiore processu aculeiformi, extrorsum curvato levique armatus.

Longitudo totalis a fronte usque ad apicem cercopodum 17 mm.

FEMINA. Corpus validiusculum trunco longitudinem abdominis exceptis cercopodibus parum superante. Caput fronte simplici, rotundata. Segmenta omnia thoracica abdominaliaque polita, levia. Antennæ inferiores complanatae, fere cuneiformes, apicem distalem versus attenuatae, margine anteriore vel interiore bilobato, lobo distali minore denseque piloso. Cercopodes apicem versus attenuati, marginibus dense setosis crenulatisque, longitudine segmentorum 4 abdominalium posteriorum. Pedes omnes structura iisdem maris. Saeculus oviger longitudine segmentorum duorum genitalium parum superans, oviformis, in parte superiore tuberculatus.

Longitudo totalis a fronte usque ad apicem cercopodum 18 mm.

Patria : Alpes alti galliei (Hautes Alpes), stagnum prope lacum Cristol. Specimina collegit Illustr. D. Prof. *R. Blanchard*, anno 1888, 22 septembbris.

Species hæc nova in honorem Illustr. D. Prof. *R. Blanchard* denominata BRANCHIPI STAGNALIS affinis, sed differt : structura antennarum inferiorum appendicibusque membranaceis abdominalibus maris.




Fig. 2. — Caput maris supra visum, magnitudine circ. 1 : 7.

3. **Streptocephalus Bouvieri n. sp.**

MAS. Corpus mediocre trunco longitudine abdominis exceptis cercopodibus. Caput supine trituberculatum, tuberculis duobus lateralibus, altero mediali. Frons supine infraque appendicibus armata. Appendix superior in partes duas divisa, a vertice exeuns. Pars basalis appendicis superioris tæniiformis, basi




Fig. 3. — Caput maris supra visum, magnitudine circ. 1 : 7.

parum angustata, apicem versus modo dilatata. Pars apicalis appendicis superioris in processibus duobus ensiformibus, elongatis, margine interno denticulatis, parum introrsum declinatis divisa, ad basi processorum amborum infra aculeis validis fere falciformibus, politis, introrsum curvatis, longitudinem dimidiam processorum ensiformium non attingentibus, prædita. Appendix frontalis inferior aculeiformis, brevis, basi utrinque tuberculo aculeiformi parvo (fig. 3). Segmenta thoracica superficie polita, lèvi. Segmenta abdominalia exceptis primo ultimoque supine in margine posteriore aculeis brevibus, crassis armata. Segmenta abdominalia 2-4 solum aculeis duobus lateralibus; segmenta vero 5-7 præter aculeos duos laterales simul duobus dorsalibus minoribus; segmentum octavum denique solum aculeis duobus medialibus a margine posteriore remotis. Cercopodes longitudinem segmentorum 4 ultimorum

abdominis superantes, apicem versus valde attenuati, in parte basali utrinque dense setosi, in parte apicali vero aculeis tenuibus non numerosis armati. Antennæ inferiores triarticulatae. Articulus basalis antennarum inferiorum cylindricus, margine exteriore piloso, margine interiore piluso processibusque parvis, digitiformibus sensoriis praeditus. Processus aculeiformis articuli basalis introrsum curvatus, a latere ventrali exiens, basi appendice sat crassa, unciformi, deorsum vergente. Articulus secundus antennarum inferiorum bigeniculatus, in latere interiore processibus digitiformibus sensoriis, in latere exteriore vero prope ad apicem distalem tuberculo parvo praeditus. Articulus ultimus antennarum inferiorum cheliformis, digitis longitudine diversis. Digitus exterior vel superior chelæ altero multo longior, angustus, parum curvatus, lamina laterali carens, prope basin in margine interiore tuberculo minuto praeditus. Digitus interior vel inferior chelæ altero brevior, angustus, in margine interiore prope basin lobo parvo, laminiformi armatus (fig. 3). Pedes omnes fere similes, lamina branchiali unica in marginibus serrato-dentata enditoque ultimo in medio inciso, bilobato. Penis articulo apicali vermiciformi, in lateribus denticulato.

Longitudo totalis a fronte usque ad apicem cercopodum 13-15 mm.

FEMINA. Corpus dimensionibus iisdem maris simile. Caput fronte simpliciter rotundata. Segmenta omnia corporis superficie polita, laevi. Cercopodes ensiformes recti, apicem versus sensim angustati, marginibus crenulatis denseque setosis, longitudine segmentorum 4 abdominalium ultimorum simul-juncorum. Antennæ inferiores complanatæ, lobiformes, apice rotundatae hincque aculeo parvo setisque minutis armatae. Pedes structura iisdem marissimiles. Sacculus oviger fusiformis fere longitudine segmentorum 6 abdominalium anteriorum simul junctorum.

Longitudo totalis a fronte usque ad apicem cercopodum 12-14 mm.

Patria : Afrika, Kousri, Mission Chari-Tchad. Specimina non numerosa collegit D. Dr. I. Decorse, anno 1904, 3 augusti. Species haec nova in honorem. Illustr. D. Direct et Prof. E. L.

*Bouvier denominata* differt a speciebus ceteris generis : cum appendicibus frontalibus, structura antennarum inferiorum in mare segmentisque abdominalibus maris armatis.

4. **Streptocephalus cirratus** n. sp.

MAS. Corpus validuisculum trunco longitudinem abdominis parum superante. Caput appendice frontali breviuscula, æquilata, in apice bituberculata. Segmenta thoracica superficie polita, laevi. Segmenta 5,6 et 7-abdominalia in margine poste-




Fig. 4. — Caput maris supra visum, magnitudine circ. 1 : 7.

riore supine processibus membranaceis, aculeiformibus, in serie transversali dispositis armata. Cercopodes apicem versus attenuati, longitudinem segmentorum 4 abdominalium posteriorum parum superantes, ensiformes, marginibus crenulatis, margine exteriore dense setoso, margine interiore vero aculeis diversis sparsim aculeato. Antennæ inferiores triarticulatae, chelatae. Articulus basalis antennarum inferiorum breviusculus, sat crassus, in margine interiore prope basin processu membranaceo, breviusculo, apice bifido et in angulo extero-distali aculeo valido, falciformi præditus (fig. 4). Articulus secundus antennarum inferiorum valde eiongatus, bigeniculatus, laevis, marginibus annulatis. Articulus apicalis antennarum inferiorum cheliformis trunco in margine anteriore intus bituberculato, tuberculis acutis. Digitus exterior vel superior chelæ abbreviatus, in parte distali valde curvatus, crassiusculus, lamina laterali distincta in processu sat crasso brevique exeunte armatus. Digitus interior vel inferior chelæ valde abbreviatus, dilatatus

altero multo brevior latiorque, curvatus, apice bitisso, in margine interiore tuberculo parvo acuminato præditus (fig. 4). Pedes omnes structura fere simili, lamina branchiali unica in marginibus serrato-denticulata. Penis articulo basali intus mucronato, mucrone bidentato.

Longitudo totalis a fronte usque ad apicem cercopodum 18-20 mm.

FEMINA. Corpus dimensionibus iisdem maris. Caput fronte kevi, simpliciter rotundata. Segmenta corporis omnia superficie polita, kevi. Cercopodes ensiformes, longitudine segmentorum 4 abdominalium ultimorum simul junctorum, lateribus crenulatis denseque setosis. Antennæ inferiores complanatae, lobiformes, apice incisæ, bilobatae denseque pilosæ. Pedes omnes structura iisdem maris similes. Sacculus oviger fusiformis, maxime elongatus, longitudine segmentum ultimum abdominale multo superans.

Longitudo totalis a fronte usque ad apicem cercopodum 16.5 mm.

Patria : Africa, Orange, Bloemfontein, anno 1897. Specimina e collectione Illust. D. E. Simon orta sat numerosa observavi.

Species hæc novas secundum structura antennarum inferiorum maris feminæque et secundum structura abdominis cercopodumque maris a speciebus ceteris generis bene distincta.

##### 5. **Streptocephalus macrourus** n. sp.

MAS. Corpus sat robustum trunco longitudine abdominis breviore. Caput appendice frontali distincta, apicem versus parum attenuata, apice rotundata. Segmenta omnia corporis superficie polita, kevi. Cercopodes longitudinem segmentorum 5 abdominalium ultimorum simul junctorum parum superantes, tenues, apicem versus valde attenuati, in margine exteriore dense setosi, in margine interiore partim setosi, partim aculeati, setis biarticulatis in parte basali dispositis, aculeis parvis, numerosis in parte maxima distali sitis. Antennæ inferiores triarticulatae, chelatae. Articulus basalis antennarum inferiorum sat crassus, cylindricus, lateribus annulatis, processuque aculeiformi, valido, falciformi. Articulus secundus anten-

rum inferiorum bigeniculatus lateribus laevibus, marginibus annulatis. Articulus antennarum inferiorum ultimus cheliformis trunco processu superiore vel interiore valido, aculeiformi, antrorsum spectante armato. Digitus exterior vel superior chelæ perlongus, fere geniculatus, tenuis, lamina laterali




Fig. 5. — Caput maris supra visum et articulus cheliformis a latere interiore circa 1 : 7 et 4 : 14.

in processu aculeiformi exeunte tuberculisque duobus parvis, antrorsum spectantibus prædita. Digitus inferior vel interior chelæ brevis, introrsum vel sursum curvatus, basi intus processu validiusculo loboque marginali interiore vel superiore armatus (fig. 5). Pedes omnes structura fere simili, lamina branchiali unica in marginibus serrato-dentata. Penis articulo basali intus mucrone denticulato prædictus.

Longitudo totalis a fronte usque ad apicem cercopodum 28 mm.

Patria : Africa meridionalis, Orange, Bloemfontein. Specimen unicum examinavi e collectione Illustr. D. E. Simon, anno 1897.

Species hæc nova *Streptocephali vitrei* (Brauer) affinis, sed differt in structura antennarum inferiorum, præceipueque cercopodum.

#### 6. ***Streptocephalus Rothschildi* n. sp.**

MAS. Corpus validum, trunco longitudinem abdominis exceptis cercopodibus non attingenti. Caput liberum appen-

dice frontali brevi, apice attenuata bifissaque. Segmenta thoracica superficie polita, levia. Segmenta abdominalia 3, 4, 5, 6 et 7, in margine posteriore utrinque latere processibus membranaceis fusiformibus, magnitudine diversis praedita. Segmenta 3, 4 et 5, processibus duobus sat longiusculis externis, processibus duobus vero brevioribus, digitiformibus internis. Segmenta 6 et 7 processibus 4 brevibus, digitiformibus. Ceropodes elongati, valde attenuati, longitudine segmentorum 5 ultimorum abdominis, simul junctorum, basi in margine exteriori setis parvis, in parte cætera nudi, in margine interiore ad basin aculeis elongatis, biarticulatis, in parte cætera aculeis brevibus armati. Antennæ inferiores triarticulatæ, chelatae. Articulus basalis antennarum inferiorum cylindricus, crassiusculus, processu distali subfalciformi, fere recto, sat tenui. Articulus secundus antennarum inferiorum bigeniculatus, marginibus annulatis, in latere interiore appendicibus digitiformibus sensoriis. Articulus ultimus antennarum inferiorum cheliformis, digitis duobus fere æquilongis. Digitus chelæ exterior vel superior ensiformis, lamina laterali carens. Digitus interior vel inferior chelæ basi processu lobiformi sat parvo (fig. 6). Pedes omnes inter se fere similes, lamina branchiali unica in marginibus serrato-dentata. Penis biartulatus, articulo apicali vermiformi, in marginibus denticulato.

Longitudo totalis a fronte usque ad apicem cereopodum 14-17 mm.

FEMINA. Corpus validum segmentis omnibus superficie polita; segmenta abdominalia processibus membranaceis nullis.




Fig. 6. — Caput maris supra visum, magnitudine circ. 4 : 7.

Cercopodes latiusculi, apicem versus sensim attenuati, longitudinem segmentorum 4 ultimorum abdominalium parum superantes, marginibus dense setosis. Antennæ inferiores complanatae, lobiformes, apice aculeatae, ubique sat dense pilosæ. Pedes structura iisdem maris similes. Sacculus oviger elongatus, fusiformis, fere longitudine segmentorum 7 anteriorum simul junctorum abdominis.

Longitudo totalis a fronte usque ad apicem cercopodum 13-16 mm.

Patria : ABYSSINIA, Tehoba ; ETHIOPIA, Soulouki et Ouardy ; AFRICA ORIENTALIS, Menabella. Specimina numerosa collegit expeditio Illustr. D. Baronis *M. Rothschild*, anno 1904. in mensibus aprili et augusto.

Species hæc nova in honorem Illustr. D. Baronis *M. Rothschild* denominata differt inter alia præcipue structura antennarum inferiorum abdominalisque maris a speciebus ceteris generis.

#### 7. **Streptocephalus spinosus** n. sp.

MAS. Corpus sat validum trunco longitudinem abdominalis exceptis cercopodibus parum superante. Caput appendice frontali brevi, laminiformi, apicem versus sensim attenuata et in apice bituberculata. Segmenta thoracica superficie polita, lævia. Segmenta 1-4 anteriora abdominalis supine in margine posteriore aculeata, aculeis 8-10 serie transversali, in medio interrupta dispositis. Cercopodes longitudine segmentorum 4 abdominalium ultimorum simul junctorum, apicem versus sensim attenuati, parum introrsum curvati, in parte basali marginibus dense setosis, in parte apicali vero aculeatis. Antennæ inferiores triarticulatae, chelatae. Articulus basalis antennarum inferiorum cylindricus, crassiusculus, marginibus annulatis, processu alculeiformi apicali parum arcuato. Articulus secundus antennarum inferiorum bigeniculatus, marginibus annulatis, latere interno lævi. Articulus ultimus cheliformis. Truncus chelæ in angulo inferiore exteriore aculeo validiusculo, in margine superiore processibus duobus acuminatis armatus. Digitus superior vel exterior chelæ geniculatus, altero multo

longior, in parte apicali tenuis, plus-minusve arcuatus, lamina laterali distincta, in aculeo porrecta et in margine distali lobata, lobo parvo, rotundato. Digitus inferior vel interior valde curvatus, brevis, tenuis, in margine interno processibus duobus validiusculis, acuminatis armatus (fig. 7). Pedes omnes structura fere similes, lamina branchiali unica in mar-




Fig. 7. — Caput maris supra visum, magnitudine 1:7 et articulus cheliformis antennarum inferiorum magnitudine circ. 1:14.

ginibus levavi. Penis biartulatus, articulo basali intus mucronato; articulo secundo vermiciformi, in marginibus denticulato.

Longitudo totalis a fronte usque ad apicem cercopodium 21-22 mm.

**FEMINA.** Corpus in dimensionibus eodem maris simile. Caput fronte levavi, simpliciter rotundata. Segmenta omnia corporis superficie polita, inermia. Cercopodes fere longitudine segmentorum 5 abdominalium ultimorum, apicem versus sensim attenuati, marginibus crenulatis denseque setosis. Antennæ inferiores complanatae, lobiformes, apice versus parum dilatatae, apice aculeo crasso, brevi et setis parvis armatae. Pedes omnes structura eadem maris. Sacculus oviger fusiformis, fere longitudine segmentorum 4-7 abdominalium anteriorum simul junctorum.

Longitudo totalis a fronte usque ad apicem cercopodium 17-18 mm.

Patria : Madagascar, Catat. Specimina sat numerosa, anno 1890 collecta examinavi.

Species hæc nova differt a speciebus ceteris generis structura

antennarum inferiorum segmentorumque abdominalium 4-7 anteriorum maris.

**Dendrocephalus** n. gen.

Corpus generibus ceteris omnino simile. Caput maris distinctum, appendice e vertice exeunti valido, in ramos duos partito. Rami appendicis capitis arborescentes, in ramulos plures, diversos divisi. Antennæ inferiores maris biarticulatae, articulis distinctis, capiti mobile insertæ. Articulus basalis antennarum inferiorum maris apophyse carens, sed in angulo distali interiore vel superiore processu digitiformi, minute aculeato armatus. Articulus apicalis antennarum inferiorum maris falciformis, tenuis, attenuatus, apice mucronatus. Pedes duo anteriores endito ultimo ceteris valde divergentes. Oculi compositi seu pedunculati infra biaculeati, aculeo uno maiore, altero minore.

Femina generibus ceteris similis. Antennæ inferiores complanatae, foliiformes, apice aculeo distincto armatae, setosæ. Pedes omnes structura fere simili, paria duo anteriores iisdem maris dissimilia. Sacculus oviger fusiformis.

Genus hoc novum differt a generibus ceteris appendice e vertice exeunti structuraque pedum primi secundique paris maris et continet adhuc solum species duas in America meridionali collectas, scilicet **DENDROCEPHALUS** (*Chirocephalus*) **CERVICORNIS** (*Weltner*) et **DENDROCEPHALUS** **GEAYI**, speciem novam, infra descriptam.

8. **Dendrocephalus Geayi** n. sp.

MAS. Corpus trunco valido longitudine abdominalis, exceptis cercopodibus. Caput distinctum appendice valido e vertice exeunti. Appendix verticalis parte basali pedunculiformi, apice distali in ramos duos partita. Rami appendicis verticalis arborescentes, in ramulos plures, forma structuraque diversos divisi. Segmenta omnia corporis superficie polita, inermia. Cercopodes apicem versus sensim attenuati, recti, longitudinem segmentorum 4 ultimorum abdominalis non attingentes,

marginibus dense setosis. Antennæ inferiores distinctæ, biarticulatae; articulo basali cylindrico, crassiusculo, in angulo distali interiori vel superiori processu digitiformi, dense denticulato, articulo apicali falciformi, introrsum curvato, tenui, in apice hamulato.

Oculi compositi infra biaculeati, aculeo uno majore, altero minore. Pedes omnes lamina branchiali unica in marginibus serrato-denticulata, inter se dissimiles. Pes primus endito ultimo in processus tres diviso, uno lobi-formi, altero plus minusve digitiformi, apice aculeato, tertio vero falciformi, ex-trorsum et deursum

curvato. Pes secundus primo uteunque similis, endito ultimo in processus tres diviso, sed processu digitiformi crassiore, falciformi vero valde abbreviato denticulatoque. Pes tertius processu falciformi enditi ultimi rudimentario, aculeiformi. Pedes ceteri processu falciformi enditi ultimi carentes, inter se similes. Penis articulo basali in margine interiori hamulo denticulato armato. Longitudo totalis a fronte usque ad apicem cercopodum 21-22 mm.

**FEMINA.** Corpus validum segmentis superficie politis, laevibus. Caput fronte simpliciter rotundata. Cercopodes apicem versus attenuati, longitudinem segmentorum 3 ultimorum abdominis non attingentes, in marginibus dense setosi. Antennæ inferiores complanatae, foliiformes, apice distali acuminatæ setosæque. Pedes primi et secundi paris processu digitiformique enditi ultimi carentes, omnes inter se fere similes. Saeculus oviger cuneiformis, longitudine segmentorum 4 anteriorum abdominis.




Fig. 8. — Caput maris supra visum, magnitudine circ. 1:7.

Longitudo totalis a fronte usque ad apicem cercopodium 22-23 mm.

Patria : America meridionalis, Venezuela, Llano, Guanaparo ; Entre le R. Apuré et le R. Guanaparo ; Corozito. Specimina numerosa collegit D. F. Geay, anno 1892, mense martio.

Species hæc nova in honorem Domini F. Geay denominata DENDROCEPHALI CERVICORNIS (Weltner) affinis ; sed differt : structura appendicis e vertice exeuntis pedumque paria trium anteriorum maris.

---